

趙李合璧

李王峯
趙廷儒

纂輯

卷一至卷四
全兩冊

趙廷瑞
李玉峯

二先生纂輯
新張福堂傳

此書普通傳濟
故迭不取

趙子合璧

光緒三十有四年孟夏月後學張興龍刊

趙李合璧序

醫之一道微矣。末矣。然求其業斯道而精
斯術。不愧良醫之選者。恒不數覲。抑不惟
醫之良者難覲。即醫學之書。除靈素難經
仲景書外。非失之繁。即失之畧。非失之偏。
即失之庸。求其純粹精深。足繼往哲而開
來學者。亦不可多得。予於業儒之暇。博

方書浩若淵海無從捉摩嗣於福堂張君處得所抄趙李合璧一書披閱再三其用意也精而密其立法也嚴而正雖紐景岳為宗旨而又不沾沾於景岳所謂善學古人而能自出心裁者也乎究心岐黃歷有年所今讀是書然後知業醫者衣鉢在是而學醫者梯航亦在是也齊志斯業者誠

取是書而讀之。如首卷之前列八畧。後附
藥品。能熟習於心。則臨症百病俱有把握。
用藥各類俱知驅使矣。二卷之新方歌括。
三卷之古方歌括。能勤求不倦。則治病自
敢之不盡。用之不竭矣。至四五卷與六七
卷之講求認症。自婦人以至小兒。自雜症
以及傷寒。有症必具。無病不錄。誠能瞭然。

於目豁然於胸自不至臨症而張皇失措。
束手無策矣。至於八卷之論脈條分縷晰。
綱舉目張。刪繁就簡。酌古準今。且六經之
起。繪圖卷首。一目了然。誠能細心尋繹。
極意揣摩。雖沉疴隱疾。自能一著手而如
見肺腑矣。是書雖八卷。而千症萬病。均不
能出其範圍。趙君以是書授之張君。張君

宗之而名震一時而學於張君之門者亦
宗是書而風行當代張君不欲久煙厥師
之辛苦秘為獨得之心傳付之棗梨以廣
傳播後之讀是書者果能細心潛玩彈力
推求其收效之宏當有超出張君萬七者
然亦有宗之而或有不行者則有施藥傳
方之法在蓋貧苦之家一有疾病既苦療

治之無力。復虞湯藥之無貲。今則送以珍
視。賜之藥餌。將見一人病愈。一家感焉。一
家病愈。萬家仰焉。如此行之數月。而謂斯
道尚不廣行周知也。未之有也。此張君救
世之苦衷。梓書之至意。和盤托出。而無一
毫私隱者也。吾願世之讀是書者。亦以張
君之心為心。使同登壽域。共躋春臺。是張

君之所厚望也。亦趙君之所深慰也。

光緒三十四年如月上浣成都文白尚質序

趙李合璧小引

此書普通傳濟
敬送不取分文

且夫醫者意也精其意而學之即隨其意
而行之非通神明之德類萬物之情者弗克
得其意自靈素難經而下首推張仲景以
其為製方之祖也降而劉河間李東垣朱
丹溪輩各運心法各以醫學擅名若夫王
雙溪之傷寒論鮑國良之經驗針法陸彥

功之傷寒便覽余子敬之諸症析疑徐春甫
之醫統捷徑諸書粲然備矣而其書或傳
或不傳不無遺恨推之吳南薰翰林馬竹
左提舉以逮胡清隱程時卿諸名士類皆聲
震一時而又不聞有所論述以傳於世心更歎
望焉如色庠生趙君廷儒者精於孔孟旁及岐
黃於景岳八陣有心得之學爰就是書彙集

而摘要言簡意賅抄胥成帙俾後之學者無
望洋之苦而其中猶有遺闕未為全璧幸吾
胞弟玉峰氏業儒之暇登其堂齊其藏更從
趙君抄本繁者修之簡者飾之明趙君之
所未詳補趙君之所未逮為之類聚羣分博
覽約取特標其語之至精至細者共成一帙
額之曰全趙讀本益以己之心得全趙之

心得期人之讀是本而共有心得是則玉峰
之苦心也夫有同志者果不沒是本而付之
剗剗未始不可衣被後世矣

時

道光二十八年孟夏月吉日愚胞兄李環

江錦帆叙

原叙

趙老先生諱廷儒萬春偉人也少遊泮水
壯列成均當時之文人咸景仰焉繼其後
又能以醫理參詳後能以醫道名世上哉
夏乎先文正公有云不為良相當為良醫
如趙君者若合符節也他不具論觀其括要
景岳全書一冊其所為用心思而費躊躇

者至精且密也。編集藥品而愈覺簡便，選用
湯方而愈覺合宜，條分病情而愈覺得解，
化裁脉訣而愈覺精詳，此誠金璧也。山不憚
勤勞而復為增解者，何哉？蓋以此書一出，得
之而珍藏寶重者，固有其人；得之而明徹貴
通者，少有其人。余不揣固陋，出以管見，將
藥品而分彙之，湯方而韻限之，病情而註釋

之脉訣而纂合之俾當世之初學醫者開卷了然耳名其書曰金匱讀本蓋不敢沒趙君之苦心孤詣也願世之業醫者深造其道常存一片濟世活人之心使衆躋春臺人登壽域上以廣

聖天子仁慈萬方之心下以篤閭閻痼瘵一體之義是直體天地好生之德而存父母樂育之

心者也故特表而著之既以明是書之所由成
並以勸天下後世之業醫者

昔

道光二十八年歲次戊申孟夏月吉

日萬春城東玉峰李環山叙